

## 146 DE SACRIS AEDIFICIIS

hujusmodi tabula narrationem, expli-  
cationemque prosequeremur, satis, ac  
satiū sit inscriptionem ejusdem Ta-  
bulæ retulisse, quæ sic se habet.

MENO CE  
XXIIII D  
EDICATI  
O BEATE MAR  
IE X VVI VILLA.

Hanc ita Kircherus interpretatur:  
*Mense Octobris die 24. dedicatio Beate  
Marie in VVlt.villa.* Nos autem sic:  
MILLENO CENTENO XXIII.  
DEDICATIO BEATAE MA-  
RIAЕ IN VVLTVRIS VILLA.  
Animadvertisendum enim est sextam  
literam non esse D. ut exponit Kirche-  
rus, sed E. atque ideo diem eo denotari  
non posse.

Quod verò hæc tabula duodeci-  
mum seculum oleat, non solùm è rudi-  
opificio deducitur, sed ex ipsius opifi-  
cis nomine, quod tale est.

MAGISTE  
R GVILIEL  
MVS FECIT  
OC OPVS.

Nomen enim Guillelmi tempore  
Caroli Magni in Italiam illatum fuit,  
proptereaque Constantini Cesaris evo-  
prorsus inauditum.

Si autem ipsius Ecclesiae muros, &  
constructionem species, nulla alia  
tempora indicare videntur, nisi ea, que  
decimum seculum respiciunt, nam ar-  
cus in acutum angulum desinunt, &  
fama fert olim prope hanc Ecclesiam  
Monachos habitasse, quos quidem ego  
Benedictinos fuisse putaverim, ex Mo-  
nasterio Sublacensi, septem circiter  
millaria ab hac Ecclesia distanti, qui  
Monasticam vitam rigidiori observan-  
tiā, veluti in Eremo ducere cupiebant.

A Hæc igitur Aedificia sunt, quæ Ma-  
gnus Constantinus in Occidente con-  
struxit, sed alia fortasse plura aedifica-  
vit, quæ vel ob Scriptorū defectū, vel  
ob eorundē notitiam apud omnes jam  
oblivioni traditam, seu potius eò quod  
me prorsus lateat, in obscurō jacent,  
nec ulla sui reliquerunt vestigia. Nihil  
enim tempori impervium est, nihil  
vetustati non penetrabile, nihil quod  
obnoxium longævæ ætatis edacitati  
non sit. Modò autem ex Occidente  
ad Orientem transitum faciamus.

## C A P V T XXIII.

*De Ecclesia Sepulcri Domini, sive  
Dominice Resurrectionis, Mar-  
tyrion appellata, Hierosolymis.*

**M**AIESTATEM, cultumque  
Christianæ Religionis ubique  
Gentium ampliandi studiosissimus  
Constantinus, non solùm in Occiden-  
te, ubi Religionis ipsius firmissima,  
primariaque est constituta sedes; ve-  
rū etiam in Oriente, præsertim verò  
in Palæstina mirifica hujuscce studii,  
animique testimonia reliquit. Ibi  
enim tria augustissima excitavit tem-  
pla, ut Eusebius in Oratione de Lau-  
dibus Constant. cap. 9. juxta Valesii  
versionem his testatur verbis: *In Pro-  
vincia Palestina apud Civitatem, que  
Hebraeorum Regia quondam sedes fuit,  
in ipso Urbis Meditullio, ad locum Do-  
minici Sepulcri, Basilicam immense  
amplitudinis, & Aedem Sacram in  
bonorem S. Crucis omni magnificentie  
genere exornavit. Et monumentum  
Servatoris sempiternā memoriam di-  
gnum, illiusque tropaea contra mortem  
erecta, ornamenti, que dicendo exprimi-*

